


REGULAMENTO ELECTORAL

**Para a elección a membros da Asemblea Xeral, Presidente e Comisión Delegada da
Federación Galega de Triatlón e Péntatlon Moderno**

Lugo, 13 de Agosto de 2014



A handwritten signature in black ink, appearing to read "A. Allarcom", written over a circular stamp that is partially obscured by the signature.

Artigo 1. Obxecto da normativa

En aplicación do disposto na Lei 3/2012, de 2 abril, do Deporte de Galicia, e na Orden de 8 setembro 2010, da Consellería de Presidencia, Administracións Públicas e Xustiza, pola que se establecen os criterios para a elaboración dos reglamentos e a realización dos procesos electorais nas Federacións Deportivas Galegas, confecciónase a seguinte normativa que regula o proceso de elección dos órganos de goberno: Asemblea Xeral, Presidente e Comisión Delegada, da Federación Galega de Triatlón e Péntatlon Moderno, con representatividade durante o período 2014 a 2018.

Artigo 2. Celebración de eleccións

O proceso electoral celebrarase dentro do ano no que corresponda á celebración dos Xogos Olímpicos de Inverno, debendo prever o procedemento ordinario a súa finalización antes do 31 de decembro do citado ano.

A Federación Galega de Triatlón e Péntatlon Moderno procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: de luns a venres de 10.00 a 14.00 e de 18.00 a 20.00.

Artigo 3. Regulamento electoral provisional e definitivo

Estarase ó disposto na normativa autonómica de aplicación. Unha vez aprobado o regulamento electoral por parte da Asemblea Xeral da Federación Galega de Triatlón e Péntatlon Moderno será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e concederanse dez días hábiles para proceder a dita corrección.

A Asemblea Xeral da Federación Galega de Triatlón e Péntatlon Moderno, aproba que no caso que houbera que subsanar algunha deficiencia no mesmo regulamento electoral, delegar e autorizar á Xunta Directiva a facer os cambios necesarios, sen necesidade dun novo sometemento á aprobación da Asemblea Xeral. Unha vez feitas estas modificacións, o novo regulamento presentarase á Secretaría Xeral para o Deporte para a súa ratificación definitiva comunicando ós membros da Asemblea a nova redacción.



O Regulamento publicarase na páxina web da Federación Galega de Triatlón e Péntatlon Moderno e na da Administración Autonómica (artigo 58.6 da Lei 3/2012, do Deporte de Galicia).

Artigo 4. Censo electoral


1.O censo electoral (ANEXO III) incluírá aos deportistas, técnicos/adestradores, xuíces/árbitros e entidades deportivas inscritas na Federación e no Rexistro de Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Inclúiranse os seguintes datos:

a)Para os/as deportistas, adestradores e xuíces/árbitros: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertezan, ou no seu caso tamén respecto do estamento de xuíces/árbitros, o que a estes efectos indiquen á Federación. No período de reclamacións ao censo provisional poderase solicitar o cambio de domicilio.

b)Para as entidades deportivas: nome, denominación ou razón social e número de inscrición no Rexistro de Asociacións deportivas e deportistas de Galicia, así como o nome e apelidos do presidente e secretario. Os datos dos clubs deberán ser plenamente coincidentes cos datos contidos no Rexistro de Asociacións Deportivas e Deportistas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Asociacións Deportivas e Deportistas de Galicia, establecerase un prazo de 10 días para a súa subsanación.

2.O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da Federación Galega de Triatlón e Péntatlon Moderno, así como na páxina web www.fegatri.org

3.O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.



4.Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.

5.Co fin de facilitar a participación e a integración na actividade deportiva da Federación, os candidatos proclamados a membros da Asemblea Xeral poderán dispoñer do respectivo censo de persoas que compoñen cada estamento, cos datos de carácter persoal contidos na licenza federativa. No caso dos candidatos proclamados á Presidencia, poderán dispoñer do censo de persoas que conforman a Asemblea Xeral, cos mesmos datos de carácter persoal facilitados na licenza federativa.

Artigo 5. Xunta Electoral

1. O mesmo día da convocatoria de eleccións, constituirase a Xunta Electoral.
2. A xunta Electoral estará integrada por tres membros titulares e tres suplentes, elixidos por sorteo na Asemblea Xeral, entre as persoas que presenten a súa candidatura a membros da Xunta Electoral. As candidaturas deberanse presentar na mesma Asemblea na que se celebre a súa elección, podendo estar os candidatos presentes na mesma.

Os membros da Xunta deberán reunir os requisitos seguintes:

- a) Ser maior de 18 anos.
- b) Ter o título de bacharelato superior ou equivalente.
- c) Non presentarse como candidato a membro da Asemblea Xeral.
- d) Non ter relación contractual ou profesional coa Federación Galega de Triatlón e Péntatlon Moderno.
- e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.

3.No caso de non presentación de candidatos a membros da Xunta Electoral, o presidente da federación proporalle á Asemblea os membros necesarios para completar a mesma, os cales deberán así mesmo reunir os requisitos definidos no apartado anterior.

4.Actuará como presidente e secretario da xunta electoral o membro de maior e menor idade, respectivamente. As decisións da Xunta Electoral tomaranse por maioría de votos. A asistencia á Xunta Electoral é obrigatoria salvo causa xustificada.

5.Funcións da Xunta Electoral:

- a) Velar polo axustamento a dereito do proceso electoral dos órganos de goberno e representación federativos.



- b) Organizar os procesos das eleccións para a Asemblea Xeral e Presidente da Federación, segundo o disposto neste regulamento electoral.
- c) Designar as mesas electorais de conformidade co previsto neste regulamento electoral.
- d) Aprobar as candidaturas que reúnan os requisitos esixidos, así como o resto da documentación electoral.
- e) Garantir a exposición de censos, candidaturas e outros documentos según se estableza neste regulamento electoral.
- f) Coñecer e pronunciarse sobre os recursos que se presenten.
- g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
- h) En xeral, cantas facultades lle sexan atribuídas por este regulamento electoral.

6.Os gastos de desprazamentos dos membros da Xunta Electoral serán sufragados pola Federación Galega de Triatlón e Péntatlon Moderno, segundo os acordos asemblearios vixentes. Axudas de quilometraxe, 0,17€/Km. ½ Dieta 20€.

Artigo 6. Mesa electoral: composición e competencias.


1.En cada circunscrición electoral constituirase unha única mesa electoral para a elección dos membros da asemblea no día fixado. Habrá unha única circunscrición e unha única mesa. O horario de apertura da mesa será o seguinte: de 12.00 A 18.30. Ubicarase no seguinte lugar: Federación Galega de Triatlón e Péntatlon Moderno (Rúa Castelao, 21, entrechán nº 2).

A mesa electoral estará composta por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2.A efectos de remisión do voto por correo, establececese como mesa para a recepción deste voto a de Federación Galega de Triatlón e Péntatlon Moderno (Rúa Castelao, 21, entrechán nº 2).



3. Son competencias da mesa electoral:

- . Comprobar a identidade dos votantes.
- . Recoller a papeleta de voto e depositala na urna pechada e preparada aos efectos.
- . Proceder á contaxe de votos.
- . Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.

4. A acta será subscribida por todos os membros da mesa electoral, así como polos interventores, se os houber, remíténdose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web www.fegatri.org

5. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.



6. Os gastos de desprazamentos dos membros das mesas electorais serán sufragados pola Federación Galega de Triatlón e Péntatlon Moderno. Segundo os acordos asemblearios vixentes. Axudas de quilometraxe, 0,17€/Km. ½ Dieta 20€.

Artigo 7. Convocatoria de eleccións

1. A convocatoria das eleccións será feita polo Presidente da Federación Galega de Triatlón e Péntatlon Moderno, conforme a este regulamento electoral, aprobado pola Secretaría xeral para o deporte.

2. Simultaneamente á convocatoria de eleccións, a xunta directiva disolverase, contituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da Federación e nas delegacións, así como na páxina web www.fegatri.org. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:



- a) Regulamento electoral.
- b) Calendario electoral con indicación do lugar, data e hora de celebración dos actos propios do proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da xunta electoral da Federación.

4. Cun prazo de antelación mínimo de cinco días hábiles dende a data da convocatoria, esta será notificada, a través de medio que permita asegurar a súa recepción, cando menos, ás entidades deportivas integrantes desta federación e á Secretaría xeral para o deporte.

Artigo 8. Electores e elixibles

1. Poderán ser electores e elixibles:


a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tido na tempada deportiva anterior á da data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de entidades deportivas: aquelas entidades deportivas, que estean inscritas, no ano da convocatoria das eleccións, na federación e no Rexistro de Entidades Deportivas de Galicia e teñan participado en competicións deportivas. A estes efectos e, con carácter mínimo, deberán de ter participado en catro competicións entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non será elixibles aqueles clubs que formen parte da asemblea na súa condición de membros natos.

2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea xeral.

3. Os membros da federación que pertencen a dous ou máis estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, serán: 1º técnico, 2º árbitro/xuíz e 3º deportista (é dicir, si a persoa que está en máis dun estamento, non fai a escolla, sempre irá ó estamento menos numeroso).




Artigo 9. Composición da Asemblea xeral

1. O número de membros da asemblea xeral será de *34, en aplicación do artigo 10, do presente regulamento electoral. O presidente da federación desempeñará a presidencia da asemblea xeral.
2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de clubs, por e entre os compoñentes de cada estamento de conformidade co número e proporcións de representación que se establecen no presente regulamento.
3. Na asemblea xeral deberán estar representados todos os estamentos recoñecidos nos estatutos e integrados na federación e, cando menos, as entidades deportivas, os deportistas, os adestradores e os árbitros/xuíces.
4. No estamento de entidades deportivas haberá membros natos e membros electos.
5. A representación das entidades deportivas corresponde ao seu presidente ou persoa que conforme ós estatutos lle corresponda. Esta representación acreditarase fidedignamente mediante certificación da inscrición do Rexistro de Entidades Deportivas de Galicia na que figuren expresamente os representantes legais da entidade.
6. Non cabe representación das persoas físicas.
7. Ningún membro da asemblea poderá desempeñar unha dobre representación nesta.
8. A Federación galega de Tríatlon e Péntatlon Moderno axustarase, no posible, nas súas actuacións ás recomendacións feitas pola Lei 7/2004, do 16 de xullo, Galega para a Igualdade de Mulleres e Homes (DOG nº 149, do 3 de agosto).

Artigo 10. Proporcionalidade na composición da Asemblea xeral

1. A porcentaxe de cada estamento é:
 - a) Representantes de entidades deportivas: 67 % (dos cales 1 representante será da modalidade de Péntatlon Moderno) ----- 23 clubs
 - b) Representantes de deportistas: 20 % (dos cales 1 representante será da modalidade de Péntatlon Moderno)-----7 deportistas
 - c) Representantes de adestradores: 7 % (dos cales 1 representante será da modalidade de Péntatlon Moderno)-----2 adestradores
 - d) Representantes de xuíces: 3 %-----1 xuíz
 - e) Representantes de organizadores: 3 %----- 1 organizador

* (este número está establecido co censo provisional si houbera modificacións axustarase ós datos do censo electoral definitivo)



A representación mínima do estamento de entidades deportivas na asemblea xeral da Federación Galega de Tríatlon e Péntatlon Moderno deberá ser **do 50% do censo definitivo de entidades deportivas**, incluíndo os membros natos.

En calquera caso todas as entidades deportivas deberán necesariamente cumprir os requisitos que para eles se establece no artigo 8 desta regulamentación.

4. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral. No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da Asemblea Xeral polo estamento de entidades deportivas

Os membros natos na Asemblea Xeral serán 10. Conforme o establecido na Orde do 8 de setembro de 2010, establécese como baremo para a designación dos membros natos da asemblea xeral o seguinte:

1º Os cinco clubs que teñan maior número de licencias e 2º os cinco clubs con maior número de participacións, por esta orde.

Conforme o anterior baremo, son membros natos da asemblea os seguintes clubs, Maior número de licencias (1-5). Maior Nº de participacións, descontados os anteriores (6-10):

Por cumprir o requisito do art. 11

1. CLUB CIDADE DE LUGO FLUVIAL
2. NOSPORTLIMIT-TREK GALICIA
3. DEXTER TRIATLON COMPOSTELA
4. CLUB TRIATLON MAR DE VIGO
5. CLUB TRIATLON SANTIAGO
6. CLUB TRIATLON FERROL
7. CLUB A.D. FOGAR
8. TRIATLON MOTOBIKE PONTEVEDRA
9. CLUB TRIATLON CORUÑA
10. CLUB ATLETISMO PORRIÑO



Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establécese un prazo de 3 días hábiles a contar dende a publicación do censo definitivo.
2. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web www.fegatri.org Haberá un prazo de 2 días hábiles, para a presentación de posibles reclamacións ante a Xunta electoral.
3. Unha vez resoltas as posibles reclamacións si as houbera, procederase á proclamación definitiva de candidatos (o prazo para resolver as reclamacións é de dous días hábiles).

Artigo 13. Sistema de votación a membros da Asemblea xeral

1. A votación a membros da asemblea realizarase en urnas separadas por estamentos e especialidades. A votación desenvolverase sen interrupcións durante o horario de 12.00 a 18.30. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme ós estatutos lle corresponda, debéndose acreditar fehacientemente a dita representación mediante certificación da inscrición do Rexistro de entidades deportivas de Galicia na que figure expresamente os representantes legais da entidade.

Se un membro electo da Asemblea perdera a condición pola que foi elexido, causará baixa automaticamente naquela, procedéndose á súa substitución da seguinte forma:
O seguinte candidato que obtivera maior número de votos nas votacións a membros da asemblea xeral.



A handwritten signature in black ink, appearing to read 'M. Allarín', is written over a rectangular stamp. The stamp contains some illegible text and a small emblem.

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría xeral para o deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a presidente


1. No prazo de 2 días dende a proclamación definitiva de membros da Asamblea xeral, poderá presentar candidatura a presidente da federación calquera persoa física, que teña a condición política de galego (*conforme ao establecido no artigo 3.1 da Lei 1/1981 de 6 de abril, Estatuto de Autonomía de Galicia*), maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. A persoa que resulte elixida como presidente terá que cesar en todo tipo de actividades técnicas e directivas no deporte específico e no ámbito territorial da federación galega correspondente.

Se algún membro da comisión xestora presentase a súa candidatura á presidencia, deberá cesar naquela.

2. A presentación de candidaturas farase na sede oficial da federación, mediante escrito dirixido á xunta electoral.

3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web www.fegatri.org. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 2 días hábiles.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.



Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente e a membros da Comisión delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.

2. Na votación á elección de presidente non se admitirá o voto por correo nin a delegación de voto. A representación dos clubs realizarase conforme o establecido no artigo 9 parágrafo quinto, non admitíndose que unha persoa ostente a representación de mais dun club.

3. Comezada a sesión e constituída a mesa electoral, o presidente presentará os candidatos, iniciando, de seguido, o proceso de votación.

4. Se fora solicitado pola asemblea, os candidatos exporán os seus programas (*OPCIONAL*), procedéndose posteriormente á votación en urna para a elección do presidente, que será secreta.

5. A Xunta Electoral determinará o modelo de papeleta. Cada membro da Asemblea só poderá votar a un candidato.


6. O proceso de votación está formado por un máximo de tres votacións.

a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.

b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.

c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no prazo de 1 hora, resultando elixido o que obteña maioría de votos.

7. Terminada cada unha das votacións realizadas, a mesa electoral procederá á contaxe de votos e levantará a oportuna acta.



8. No caso de existir soamente dous candidatos, resultará elixido o que obteña a maioría simple dos votos. No caso de empate haberá unha 2ª votación media hora despois e de continuar o empate será elixido o de máis idade.

9. No caso de que se presentase un só candidato, non se efectuará votación.

10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.

11. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resolto estes, a xunta electoral proclamará presidente ao candidato máis votado e comunicará os resultados á Secretaría xeral para o deporte no prazo máximo de 10 días.

12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da documentación entregada e remitíndolle copia desta á Secretaría xeral para o deporte.

13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu nomeamento.

Artigo 17. Elección de membros da comisión delegada

1.- A comisión delegada, será elixida entre e pola asemblea xeral mediante sufraxio libre, igual, directo e secreto entre os seus membros. O seu mandato coincidirá co da asemblea xeral. Será presidida polo presidente da federación como membro nato desta.


A Comisión Delegada estará composta por 7 membros, segundo o seguinte detalle:

- 3 entidades deportivas
- 2 deportistas
- 1 técnico
- 1 (organizadores e xuíces)

2.- O procedemento para a elección será o seguinte:

a) **Presentación de candidaturas**

A presentación de candidaturas farase na sede oficial da federación, unha vez proclamados os resultados definitivos a membros da Asemblea xeral, nun prazo de 2 días, mediante escrito dirixido á xunta electoral, facendo constar a condición de membro de pleno dereito da asemblea xeral.



Finalizado o prazo de presentación de candidaturas, a xunta electoral exporá a listaxe provisional de candidatos a membros da Comisión Delegada no taboleiro de anuncios da federación así como na súa páxina web www.fegatri.org. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 2 días hábiles.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á Comisión Delegada

b) Elección dos membros

1.- Cada un dos membros, dos cinco estamentos representados na asemblea xeral, votará por calquera dos membros do seu propio estamento que foran proclamados definitivamente como candidatos, ata o número máximo de postos que correspondan a este na Comisión Delegada, habilitando a Xunta Electoral o correspondente sistema de papeletas.

Rematada a elección de Presidente os electores serán chamados nominalmente á urna, por estamentos, para depositar o seu voto.


Serán elixidos membros da Comisión Delegada aqueles que obteñan maior número de votos ata cubrir o número de membros correspondentes á Comisión Delegada. No caso de que houbera empate a votos entre dous candidatos dun mesmo estamento, salvo que decidan entre eles, procederase a un sorteo pola propia mesa electoral.

3.- Rematada a votación a Mesa Electoral procederá ó recuento dos votos e levantará a correspondente acta de elección, enviandoa no mesmo día a Xunta Electoral quen Transcorridos os prazos de presentación de posibles recursos e resoltos estes, a xunta electoral proclamará como membros da Comisión Delegada aos candidatos máis votados e comunicará os resultados á Secretaría xeral para o deporte no prazo máximo de 10 días.

Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.

Os recursos ante a Xunta electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama, correo-e,), na sede central federativa mediante escrito dirixido ao presidente da Xunta electoral.



Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou no Decreto 180/2013 de 20 de xullo se establezan outros distintos.

Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpor este recurso electoral quenes foran parte na impugnación ante a xunta electoral federativa, os representantes das candidaturas ou as persoas ou entidades interesadas directamente polos acordos da xunta electoral.


2.Os prazos de interposición do recurso electoral ante o Comité Galego de Xustiza deportiva será de tres días hábiles contados dende o seguinte ao da notificación da resolución ou acordo obxecto de recurso ou, se for o caso, dende o momento en que se produza a desestimación tácita da reclamación electoral.

3.O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.


Disposición derogatoria

Quedan derogadas cantas disposicións de igual ou inferior rango se opoñan ao disposto no presente Reglamento.




Anexo I. Calendario electoral

- 29 de Agosto	Comunicación convocatoria a clubs federación e á Secretaría Xeral para o Deporte.
- 10 de Setembro	Convocatoria. Publicación censo provisional. Inicio prazo solicitudes exercicio voto por correo.
- 23 de Setembro	Fin do prazo de reclamacións ao censo provisional de 10 días hábiles.
- 29 de Setembro	Fin do prazo de resolución de reclamacións. Publicación censo definitivo. Inicio prazo presentación candidatos á Asemblea Xeral. Sorteo para a elección da mesa electoral (20:00 horas, na sede da Federación Galega de Triatlón)
- 30 de Setembro	Fin prazo para solicitar exercicio do voto por correo.
- 2 de Outubro	Fin prazo presentación candidatos á Asemblea e proclamación provisional dos mesmos.
- 3 e 4 de Outubro	Prazo para reclamacións a candidatos provisionais.
- 7 e 8 de Outubro	Prazo para resolver as reclamacións a candidatos provisionais.
- 8 de Outubro	Proclamación definitiva de candidatos a membros da asemblea xeral da federación.



- 10 de Outubro	Fin de prazo para remisión de papeletas de voto por correo pola xunta electoral.
- 18 de Outubro	Fin do prazo para depositar os votos por correo.
- 25 de Outubro	Votación a membros da asemblea xeral. Proclamación provisional de resultados a membros da asemblea.
- 27 e 28 de Outubro	Prazo para reclamar a proclamación provisional membros asemblea.
- 29 e 30 de Outubro	Prazo para resolver as reclamacións.
- 30 de Outubro	Proclamación definitiva de resultados a membros da asemblea.
- 31 de Outubro e 3 de Novembro	Prazo para presentar candidaturas a presidente e Comisión Delegada
- 4 de Novembro	Proclamación provisional de candidatos a presidente e Comisión Delegada
- 5 e 6 de Novembro	Prazo para reclamar candidaturas provisionais a presidente e Comisión Delegada
- 7 e 8 de Novembro	Prazo resolución reclamacións a votación de Presidente e Comisión Delegada.
- 10 de Novembro	Proclamación definitiva de candidatos presidente e Comisión Delegada
- 12 de Novembro	Constitución da Asemblea Xeral. Votación a presidente e comisión delegada. Proclamación provisional dos mesmos.
- 13 e 14 de Novembro	Prazo para reclamar ás proclamacións provisionais de presidente e comisión delegada.
- 15 e 16 de Novembro	Prazo para resolver é proclamación definitiva de presidente e comisión delegada da Federación Galega de Triatlón e Péntatlon Moderno.



Anexo II.4 Modelos de sobres e papeletas

ELECCIÓN A MEMBROS DA ASEMBLEA XERAL
DA
FEDERACIÓN GALEGA DE TRIATLON E PÉNTATLON
MODERNO

Estamento : _____

Especialidade: _____

Especificacións:

Sobre branco tamaño 120x176mm. Escrotp en tinta negra, impreso a unha cara.



A handwritten signature in black ink, written over a circular stamp that is partially obscured by the signature. The signature appears to be 'A. Sánchez'.

Anexo II.5 Modelos de sobres e papeletas


ELECCIÓN A MEMBROS DA COMISIÓN DELEGADA
DA
FEDERACIÓN GALEGA DE TRIATLON E PÉNTATLON
MODERNO

Especificacións:

Sobre branco tamaño 120x176mm. Escrotp en tinta negra, impreso a unha cara.



Anexo II.6 Modelos de sobres e papeletas




Especificacións:

Sobre branco tamaño 120x176mm. Escrotp en tinta negra, impreso a unha cara.



Anexo III. Censos



Anexo IV.1 Modelos de candidatura

Á XUNTA ELECTORAL DA FEDERACIÓN GALEGA DE TRIATLON E PENTATLON MODERNO


D./a _____, con DNI _____

presento a miña candidatura a membro da Asemblea Xeral da Federación

Galega de Tríatlon e Péntatlon Moderno polo estamento de : _____

En _____ a _____ de _____ de 2014

Asdo.-



A handwritten signature in black ink is written over a rectangular official stamp. The stamp contains the text 'XUNTA DE GALICIA' and 'SECRETARÍA XERAL PARA O DEPORTE'.

Anexo IV.2 Modelos de candidatura

Á XUNTA ELECTORAL DA FEDERACIÓN GALEGA DE TRIATLON E PENTATLON MODERNO


D./a _____, con DNI _____

presento a miña candidatura a membro da Comisión Delegada da Federación

Galega de Triatlón e Péntatlon Moderno polo estamento de : _____

En _____ a _____ de _____ de 2014

Asdo.-



A handwritten signature in black ink is written over a rectangular official stamp. The stamp contains the text "FEDERACIÓN GALEGA DE TRIATLÓN E PÉNTATLON MODERNO" and a logo.

Anexo IV.3 Modelos de candidatura

Á XUNTA ELECTORAL DA FEDERACIÓN GALEGA DE TRIATLON E
PENTATLON MODERNO

D./a _____, con DNI _____

presento a miña candidatura a PRESIDENTE da Federación Galega de Triatlón e
Péntatlón Moderno.

En _____ a _____ de _____ de 2014

Asdo.-



A handwritten signature in black ink, written over a circular stamp that is partially obscured by the signature. The signature appears to be "A. Villarreal".

